

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu s Programom utroška sredstava u razdjelu 22 - Ministarstva za obrazovanje, nauku, kulturu i sport, pozicija „Tekući transferi drugim nivoima vlasti“ – „Tekući transfer za stipendiranje studenata“ – izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 3/26), sa članom 3. Odluke o usvajanju Programa utroška sredstava u razdjelu 22 - Ministarstva za obrazovanje, nauku, kulturu i sport, pozicija „Tekući transferi drugim nivoima vlasti“ – „Tekući transfer za stipendiranje studenata“ - izvor 10, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 3/26) i sa članom 5. Kriterija za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za akademsku 2025/2026. godinu („Službene novine Zeničko-dobojskog kantona“, broj: 3/26), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 135. sjednici, održanoj 03.07.2026. godine, d o n o s i

O D L U K U

o utvrđivanju visine stipendije i broja rata za isplatu u akademskoj 2025/2026. godini

Član 1.

(Predmet Odluke)

Ovom odlukom utvrđuju se visina stipendije i broj rata za isplatu redovnim studentima prvog i drugog ciklusa studija s prebivalištem na području Zeničko-dobojskog kantona u akademskoj 2025/2026. godini.

Član 2.

(Sredstva za realizaciju)

Sredstva potrebna za namjene iz člana 1. ove odluke realizovat će se u skladu s Programom utroška sredstava u razdjelu 22 -Ministarstva za obrazovanje, nauku, kulturu i sport, pozicija „Tekući transferi drugim nivoima vlasti“ – „Tekući transfer za stipendiranje studenata“ – izvor 10, Budžeta Zeničko-dobojskog kantona za 2026. godinu, u iznosu od 1.500.000,00 KM (slovima: jedanmilijonpetstotinhiljada konvertibilnih maraka).

Član 3.

(Visina stipendije i način isplate)

(1) Visina stipendije po jednom korisniku iznosi 1.050,00 KM (slovima: jednahiljadapedeset konvertibilnih maraka), a isplaćuje se u jednom bespovratnom iznosu.

(2) Studentima koji studiraju za deficitarna zanimanja, a ujedno imaju prosjek ocjena najmanje 8,3 ili ekvivalent, dodjeljuje se dodatna novčana nagrada u visini stipendije.

(3) Isplatu će izvršiti resorne općinske službe, te resorne službe Grada Visoko, Grada Zavidovići i Grada Zenica putem tekućeg računa studenta, a prema Konačnoj listi koju utvrđuje i općinama kantona, Gradu Visoko, Gradu Zavidovići i Gradu Zenica dostavlja Ministarstvo za obrazovanje, nauku, kulturu i sport Zeničko-dobojskog kantona.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona”.

Broj: 02-11-13017/26
Datum, 03.07.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.